



ს ა ქ ა რ თ ვ ე ლ ო

აჭარის ავტონომიური რესპუბლიკა
საჯარო სამართლის იურიდიული პირი
აჭარის სატყეო სააგენტოს უფროსის

ბ რ ძ ა ნ ე ბ ა

ქ. ბათუმი

N 51
02.05.2025

51-09-4-202505021730



სსიპ - აჭარის სატყეო სააგენტოს მართვას დაქვემდებარებულ შუახევის სატყეო ადმინისტრაციის, ჭვანის სატყეოს N3 სამცველოს კვარტალ 54-ში უკანონოდ (უკანონოდ გაჩეხვით ან სხვაგვარად) განხორციელებული ჭრების საფუძველზე საჯარო სამართლის იურიდიული პირის აჭარის სატყეო სააგენტოზე მიღება-ჩაბარების აქტ(ებ)ით გადმოცემული მერქნული რესურსის ელექტრონული აუქციონის ფორმით საკუთრების უფლებით გაცემის შესახებ

საქართველოს კანონით „ბუნებრივი რესურსებით სარგებლობისათვის მოსაკრებლის შესახებ“, საქართველოს მთავრობის 2021 წლის 18 მაისის „ტყითსარგებლობის წესის შესახებ დებულების დამტკიცების თაობაზე“ 67-ე, 71-ე, 78-80, 82-86-ე და 88¹-ე მუხლების, საქართველოს ეკონომიკისა და მდგრადი განვითარების მინისტრის, „სახელმწიფო ქონების განკარგვისას და სარგებლობის უფლებით გაცემისას ელექტრონული აუქციონის ჩატარების წესის“ დამტკიცების შესახებ 2011 წლის 10 თებერვლის N1-1/172 ბრძანების, „საჯარო სამართლის იურიდიული პირის აჭარის სატყეო სააგენტოს შექმნის შესახებ“ აჭარის ავტონომიური რესპუბლიკის მთავრობის 2010 წლის 7 დეკემბრის №55 დადგენილებით დამტკიცებული საჯარო სამართლის იურიდიული პირის აჭარის სატყეო სააგენტოს დებულების (დანართი1) მე-9 მუხლის მე-2 პუნქტის „თ“ ქვეპუნქტის შესაბამისად

ვ ბ რ ძ ა ნ ე ბ ა :

1. სსიპ - აჭარის სატყეო სააგენტოს მართვას დაქვემდებარებულ შუახევის სატყეო ადმინისტრაციის, ჭვანის სატყეოს N3 სამცველოს კვარტალ 54-ში უკანონოდ (უკანონოდ გაჩეხვით ან სხვაგვარად) განხორციელებული ჭრების საფუძველზე საჯარო სამართლის იურიდიული პირის აჭარის სატყეო სააგენტოზე მიღება-ჩაბარების აქტ(ებ)ით გადმოცემული მერქნული რესურსი გაიცეს ელექტრონული აუქციონის ფორმით საკუთრების უფლებით;

2. მერქნული რესურსი სოჭის სახეობის 3 ცალ I ხარისხის 2.18 კბ.მ (სამასალე) მორი დასაწყობებულია შუახევის მუნიციპალიტეტის სოფ. ნაგომარის ტერიტორიაზე,

ხე-ტყის (მორის) სახეობა	ხე-ტყის (მორის) მოცულობა	ხე-ტყის (მორის) სიგრძე	ხე-ტყის (მორის) მსხვილი თავის დიამეტრი	ხე-ტყის (მორის) წვრილი თავის დიამეტრი	ხე-ტყის (მორის) ფირნიშის N	წარმოშობის დოკუმენტის N	წარმოშობის დოკუმენტის შეცვლის თარიღი	ხე-ტყის (მორის) ადგილმდებარეობა
სოჭი	0,9	6	46	40	0002665416	3000116884	23.04.2025 წ.	შუახევი სოფ. ნაგომარი
სოჭი	0,69	6,6	42	33	0002665417			
სოჭი	0,59	6	40	32	0002665418			

3. მერქნული რესურსი განთავსებულია ღია ცის ქვეშ საავტომობილო გზიდან დაშორებულია 3-5 მეტრი მანძილით და განიცდის გარემო პირობების ზემოქმედებას.
4. ელექტრონული აუქციონის საწყისი ფასი განისაზღვროს 730.3 (შვიდას ოდაათი ლარი და 30 თეთრი) ლარის ოდენობით;
5. ელექტრონული აუქციონის ვაჭრობის ბიჯი განისაზღვროს 50 (ორმოცდაათი) ლარის ოდენობით;
6. ელექტრონულ აუქციონში მონაწილეობის მისაღებად გადასახდელი უპირობო და გამოუხმობი საბანკო გარანტია/ბე განისაზღვროს: 146.06 (ას ორმოცდაექვსი ლარი და 06 თეთრი) ლარის ოდენობით;
7. თუ მონაწილე ელექტრონულ აუქციონში ვერ გაიმარჯვებს, მას ბე უკან უბრუნდება, ხოლო გამარჯვების შემთხვევაში – ბე-ს თანხა ითვლება აუქციონის საბოლოო/შეთავაზებულ ფასში;
8. ბე უკან დაბრუნებას არ ექვემდებარება, თუ: ა) მონაწილე არ მიიღებს მონაწილეობას ვაჭრობაში; ბ) გამარჯვებული დადგენილ ვადაში არ გადაიხდის ელექტრონულ აუქციონზე თავის მიერ დასახელებულ თანხას (ბე-ს გამოკლებით); გ) აუქციონში გამარჯვებული პირი არ გააფორმებს ნასყიდობის ხელშეკრულებას;
9. თუ ელექტრონული აუქციონი არ შედგა იმ მიზეზით, რომ ელექტრონულ აუქციონში რეგისტრირებული პირები, რომლებმაც აუქციონში მონაწილეობის მისაღებად, დადგენილი წესით, გადაიხადეს „ბე“ ან წარადგინეს/გააქტიურეს (ელექტრონულად) უპირობო და გამოუხმობი

საბანკო გარანტია, არ მიიღებენ მონაწილეობას ვაჭრობაში, ელექტრონული აუქციონის მონაწილეების მიერ აუქციონში მონაწილეობისათვის გადახდილი „ბე“ ან წარდგენილი/გააქტიურებული (ელექტრონულად) უპირობო და გამოუხმობი საბანკო გარანტია სრულად ირიცხება განმკარგავის ბიუჯეტში;

10. მერქნული რესურსის საკუთრების უფლებით გაცემის მიზნით გამართულ ელექტრონულ აუქციონში გამარჯვებული ვალდებულია, აუქციონში გამარჯვებიდან არაუგვიანეს 10 კალენდარული დღისა უზრუნველყოს თანხის სრულად გადახდა: მის მიერ აუქციონზე შეთავაზებული ფასი (ბე-ს გამოკლებით) აჭარის სატყეო სააგენტოს ანგარიშზე - მიმღები: ხაზინის ერთიანი ანგარიში ანგარიშის N740397309 მ/ზ სახელმწიფო ხაზინა ბანკის კოდი TRESGE22;
11. ელექტრონულ აუქციონში გამარჯვებული პირის მიერ ელექტრონული ვაჭრობის შედეგად საბოლოოდ დაფიქსირებული თანხის (ბე-ს გამოკლებით) გადახდის შემდეგ საჯარო სამართლის იურიდიული პირი „აჭარის სატყეო სააგენტო“ უზრუნველყოფს: I ხარისხის მრგვალი ხეტყისათვის (სამასალე) აჭარის ავტონომიური რესპუბლიკის რესპუბლიკურ ბიუჯეტში „ბუნებრივი რესურსებით სარგებლობისათვის მოსაკრებლების შესახებ“ საქართველოს კანონის მე-5 მუხლის მე-2 პუნქტში მოყვანილი ცხრილის მიხედვით ტყის მერქნიან სახეობათა შესაბამისი ჯგუფის I კატეგორიისათვის დადგენილი მოსაკრებლის გადახდას სულ ჯამში 47.96 (ორმოცდაშვიდი ლარი და 96 თეთრი) ლარის ოდენობით, ხოლო დარჩენილი თანხა წარმოადგენს მართვის ორგანოს დაფინანსების წყაროს (იხ. დანართი N1);
12. გამარჯვებულის მიერ გადახდის დამადასტურებელი ქვითრის 10 კალენდარული დღის ვადაში წარდგენის შემდეგ 1 (ერთი) თვის ვადაში ფორმდება ნასყიდობის ხელშეკრულება და გამარჯვებულს საკუთრებაში გადაეცემა მერქნული რესურსი;
13. ელექტრონული აუქციონი ავტომატურად ითვლება ჩაშლილად, თუ: აუქციონში გამარჯვებული დადგენილ ვადაში არ გადაიხდის აუქციონზე თავის მიერ დასახელებულ თანხას ან/და სატყეო სააგენტოს მიერ მითითებულ ვადაში არ გააფორმებს ნასყიდობის ხელშეკრულებას;
14. ელექტრონული აუქციონის საქმის ნომერია N380-09;
15. ელექტრონული აუქციონის ჩატარების თაობაზე ინფორმაცია გამოქვეყნდეს ინტერნეტგვერდზე – www.eauction.ge;
16. სააუქციონო განცხადების კანონმდებლობით დადგენილი წესით გამოქვეყნება დაევალოს სსიპ აჭარის სატყეო სააგენტოს ადმინისტრაციულ სამსახურს;
17. სააუქციონო განცხადების კანონმდებლობით დადგენილი წესით ფინანსური ოპერაციების შესრულება დაევალოს სსიპ აჭარის სატყეო სააგენტოს ეკონომიკურ სამსახურს;
18. ბრძანების სათანადო პირებისადმი კანონმდებლობით დადგენილი წესით გაცნობა დაევალოს ადმინისტრაციულ სამსახურს;
19. ბრძანების შესრულებაზე კონტროლს განვახორციელებ პირადად;

20. ბრძანება შეიძლება გასაჩივრდეს ერთი თვის ვადაში ბათუმის საქალაქო სასამართლოში (ქალაქი ბათუმი, ზუბალაშვილის ქ. №30) კანონმდებლობით დადგენილი წესით.

საფუძველი: 1. სასამართლო ექსპერტიზის ეროვნული ბიუროს 2025 წლის 18 თებერვლის N001031125 დასკვნა; 2. სსიპ აჭარის სატყეო სააგენტოს ტყის მართვის სამსახურის უფროსის 2025 წლის 02 მაისის N380-09 მოხსენებითი ბარათი.

ჯუმბერ აბულაძე



სააგენტოს უფროსი
ხელმძღვანელობა